



REPUBLIKA E KOSOVËS
REPUBLIKA KOSOVA
KOMUNA E KAÇANIKUT
OPŠTINA KAÇANIK



Data	21.01.20	Vendi	KAÇANIK
Nj. org.	Numri	Shtojcë	
01	60/01-2122	/	



Republika e Kosovës

Komuna e Kaçanikut

Republika Kosova

Opština Kacanik

Republic of Kosovo

Municipal Kacanik

INFORMATË

PËR AKTIVITETIN E KUVENDIT TË KOMUNËS PËR VITIN 2019

Kaçanik, Janar 2020

PËRMBAJTJA

HYRJE _____

QËLLIMI _____

PËRBËRJA E KUVENDIT _____

KOMPETENCAT E KUVENDIT TË KOMUNËS _____

MBLEDHJET E KUVENDIT TË KOMUNËS _____

KOMITETET E KUVENDIT _____

NJOFTIMET PËR MBLEDHJE _____

AKTET E KUVENDIT TË KOMUNËS _____

RAPORTIMI I KRYETARIT NË KUVENDIN E KOMUNËS _____

MONITORIMI I MBLEDHJEVE _____

PUBLIKIMI I AKTEVE NË WEB FAQEN ZYRTARE TË KOMUNËS _____

SHQYRTIMI I LIGJSHMËRISË SË AKTEVE _____

AKTIVITETE TË TJERA _____

SHËRBIMI I KUVENDIT _____

PËRFUNDIM _____

Hyrje

Sipas Ligjit për Vetëqeverisje Lokale, Komuna është njësi themelore e vetëqeverisjes lokale në Republikën e Kosovës. Komuna përmes organeve të saj është e obliguar të ushtroj kompetencat në mënyrë ligjore dhe transparente, duke siguruar edhe pjesëmarrjen aktive të qytetarëve në procesin e vendimmarrjes së organeve komunale.

Organet e Komunës janë të obliguara që ushtrimin e veprimtarisë së tyre të zhvillojnë sipas Kushtetutës, ligjeve dhe akteve nënligjore të organeve qendrore dhe akteve të cilat i nxjerrin vet. Në kuadër të organeve të komunës, Kuvendi është organi më i lart legjislativ, i cili ushtron funksionin e tij në përputhje me Ligjin për Vetëqeverisje Lokale. Kuvendi mban mbledhjet e rregullta në mënyrë që të kryej funksionet në kuadër të fushë veprimtarisë së tij, të cilat kërkohen me legjislacionin në fuqi.

Qëllimi

Kjo informatë ka për qëllim informimin e qytetarëve, Organizatave Joqeveritare dhe çdo grupi tjetër të interesit rreth funksionimit të Kuvendit të Komunës të legjislaturës 6, respektivisht aktivitetin 1 vjeçar i Kuvendit të Komunës për vitin 2019, periudha 1 Janar 2019- -31 Dhjetor 2019. Informata shërben si një mjet adekuat për të rritur transparencën e Kuvendit të Komunës.

Përbërja e Kuvendit

Përbërja e Kuvendit të Komunës i dalë nga zgjedhjet e lokale të Republikës së Kosovës të mbajtura më 22 tetor 2017, është 27 anëtarë, të cilët përfaqësojnë 6 subjekte politike me numër të mandateve : Partia Demokratike e Kosovës (PDK) me 11 mandate, Lëvizja Vetëvendosje (LVV) me 5 mandate, Lidhja Demokratike e Kosovës (LDK) me 4 mandate, Aleanca për Ardhmërinë e Kosovës(AAK) me 4 mandate, Nisma për Kosovën(NISMA) me 2 mandate dhe IQ Lista për Kaçanikun me 1 mandat.

Tre anëtarë nga AAK, Shemsedin Luzha, Albana Troni- Lika dhe Hajredin Luta edhe në vitin 2019 vazhdojnë të veprojnë si Grup i Pavarur në Kuvendin të Komunës, dhe vazhdojnë koalicionin me PDK. Anëtari Shemsedin Luzha në ndërkohë hiqet nga grupi i pavarur duke vepruar në KK si i Pavarur, ndërkaq anëtarja e AAK, Afërdita Shehi, nga subjektit politik të AAK që me herët ishte në koalicion me PDK, edhe në vitin 2019 vazhdon funksionin e saj në Kuvendin e Komunës, në opozitë.

Kompetencat e Kuvendit të Komunës

Kompetencat e Kuvendit të Komunës janë të përcaktuara në nenin 40 të Ligjit për Vetëqeverisje Lokale (LVL). Sipas nenit 40.1 Kuvendi i komunës funksionon në bazë të këtij ligji, Statutit dhe akteve të tjera nënligjore. Sipas nenit 40.2 Kuvendi i komunës nuk i delegon përgjegjësitë e tij lidhur me marrjen e vendimeve për: a) statutin dhe Rregulloren e punës, rregulloret komunale dhe miratimin, ndryshimin dhe shfuqizimin e tyre, b) miratimin e buxhetit dhe planeve investuese; c) miratimin e çështjeve të tjera financiare, të cilat janë të rezervuara për kuvendin sipas statutit apo

rregullores së punës; d) planin vjetor të punës dhe raportin vjetor; e) themelimin e komisioneve të kërkuara sipas këtij Ligji; f) zgjedhjen e kryetarit dhe zëvendëskryetarit të komunës; g) niveli i tarifave dhe ngarkesave; h) krijimin dhe përdorimin e simboleve, dekoratave dhe titujve të nderit të komunës, në pajtim me ligjin në fuqi; i) emërimin dhe rrimërimin e rrugëve, rrugicave dhe vendeve të tjera publike; j) arritjen e marrëveshjeve ndër komunale dhe brenda komunale; k) marrjen e vendimeve për t'u bashkuar me asociacione përfaqësuese të komunave të Republikës së Kosovës; dhe l) përgjegjësi të tjera që kërkohen me ligj.

Mbledhjet e Kuvendit të Komunës

Ligji për Vetëqeverisje Lokale përcakton rregullat e mbajtjes së mbledhjeve të Kuvendit të Komunës, në mënyrë që të siguroj njëtrajtshmëri të punës së këtij organi. Sipas Ligjit për Vetëqeverisje Lokale, Kuvendi i Komunës mban së paku dhjetë seanca në vit, pesë prej të cilave duhet të mbahen në gjashtë mujorit të parë të vitit.

Kuvendi i Komunës së Kaçanikut bazuar në nenin 43.2 të Ligjit për Vetëqeverisje Lokale për gjatë vitit 2019, ka mbajtur 12 mbledhje të rregullta. Të gjitha mbledhjet e Kuvendit kanë qenë të hapura për publikun.

Pjesëmarrja e anëtarëve të KK ka qenë kryesisht e rregullt, ka pasur ndonjë mungesë me arsye të ndonjë anëtari, me përjashtim të anëtari i KK nga LVV, Shpend Krusha, i cili ka munguar në tre seanca rresht (seancat e fundit) pa ndërprerë, kështu që mbetet të shikohet marrja e veprimeve të nevojshme sipas LVL dhe Udhëzimeve Administrativ në fuqi që e rregullojnë këtë fushë, për zëvendësimin e tij.

Komitetet e Kuvendit të Komunës

Kuvendi i Komunës së Kaçanikut ka të formuar dy Komitete të përhershme;

1. Komiteti për Politikë dhe Financa dhe
2. Komiteti për Komunitete.

Kuvendi ka formuar një Komitet tjetër, që është, Komiteti për Shërbime Publike.

Kuvendi i Komunës ka të formuar një (1) Komitet Konsultativ: Komitetin Konsultativ për Persona me Aftësi të Kufizuara. Anëtarësimi i anëtarëve të këtij komiteti është bërë në vitin 2019.

Komiteti për Politikë dhe Financa ka pasur rol të veçantë në trajtimin dhe adresimin e çështjeve të cilat kanë qenë në interesim të përgjithshëm të qytetarëve të komunës. Komiteti për Politikë dhe Financa ka mbajtur gjithsej 12 mbledhje, duke shqyrtuar të gjitha pikat që i ka pasur në rend dite dhe i ka përcjell për diskutim dhe miratim në Kuvendin e Komunës. Trajtim të veçantë KPF-ja i ka kushtuar çështjeve financiare siç janë: shqyrtimit të buxhetit, kornizës afatmesme buxhetore të komunës si dhe çështje të tjera siç janë: rregulloret komunale, raporteve financiare, ndërrimin e destinimit të tokës bujqësore në tokë të ndërtimore të PK të klasës së 5 dhe 6 të pronave private në sipas Propozim Vendimeve të DUKMM, duke bazë të kompetencës së bartura nga Kuvendi i Komunës,, për të cilat ka marrë vendime 13 adekuate.

Komiteti për Komunitete ka mbajtur 4 mbledhje që kanë qenë të parapara të mbahen në këtë vit. Në mbledhjet e Komitetit për Komunitete janë shqyrtuar çështjet që kanë të bëjnë drejtpërdrejt me problemet e qytetarëve. Nga 4 mbledhje sa i ka pasur ky komitet të planifikuara, në vitin 2020 janë planifikuar 10 mbledhje.

Komiteti për Shërbime Publike ka mbajtur gjithsej 5 mbledhje, nga 6 sa i ka të planifikuara për 1 vit. Një mbledhje e këtij komiteti nuk është mbajtur edhe pse është ftuar, për shkak të mungesës së kuorumit. Në mbledhjet e këtij komiteti janë shqyrtuar çështjet që kanë të bëjnë kryesisht me shërbimet publike në Komunën e Kaçanikut.

Sa i përket Komitetit Konsultativ për Persona me Aftësi të kufizuara, ky Komitet aktivitetin e tij e ka filluar nga muaji shtator 2019, ndërkaq ka mbajtur gjithsej 3 mbledhje, ndërkaq për një vit i ka të planifikuara 6 mbledhje. Në mbledhjet e këtij komiteti janë shqyrtuar çështjet që lidhen kryesisht me nevojat e PAK, duke iu referuar Planit të veprimit për PAK në Kaçanik.

Kuvendi i Komunës Kaçanik, pos tjerash ka formuar edhe Komisione siç janë Komisionin për shqyrtimin e ankesave për dhënien në shfrytëzim të pronave komunale, formimin e Komisioneve ad hoc, si Komisioni vlerësues për dhënien në shfrytëzim të pronës së paluajtshme të Komunës, Komisioni për hartimin e Planit të punës së KK për vitin 2020, ndërkaq iu ka vazhduar mandatin Komisionit për emërtimin dhe riemërtimin e rrugëve lokale. Kur jemi të komisionet e kuvendit, sfida mbetet mungesa e bazës ligjore për kompensimin e tyre.

Njoftimet për mbledhje

Të gjithë anëtarët e Kuvendit të Komunës janë njoftuar paraprakisht me shkrim, ashtu siç kërkohet, 7 (shtatë) ditë pune para mbajtjes së mbledhjes. Në njoftim është shënuar: data e mbajtjes së mbledhjes, koha e mbajtjes së mbledhjes, vendi i mbajtjes së mbledhjes, rendi i ditës për mbledhje edhe materialet e mbledhjes. Materiali i mbledhjes është dërguar në formë elektronike, pasi anëtarët e KK janë pajisur me Laptop.

Gjatë njoftimit dhe ndarjes së materialeve të mbledhjes, i njëjti njoftim është publikuar në ueb faqen e Komunës dhe në Tabelë të shpalljeve.

Njoftimi dhe materialet gjithashtu i janë dërguar edhe Ministrisë së Administrimit të Pushtetit Lokal (MAPL), në pajtim me Ligjin për Vetëqeverisje Lokale. Materiali i mbledhjes i është dërguar edhe ekzekutivit të komunës, Zyrës së Informimit dhe OJQ.

Aktet e Kuvendit të Komunës

Në periudhën Janar – Dhjetor 2019, Kuvendi ka shqyrtuar 105 pika të rendit të ditës. Në kuadër të rregullat-ivës normative, KK ka aprovuar 4 Rregullore komunale : Rregullorja për menaxhimin e mbeturinave; Rregullorja për mbrojtjen e drejtave të fëmijëve; Rregullorja për Transparencë Komunale, ndërkaq në lexim të parë është aprovuar Draft Rregullorja për Ndryshim Plotësimin e Rregullores 01/2018 (01Nr. 02-/01-11899) për bashkëpunimin e komunës me vendbanimet, fshatrat dhe lagjet urbane të Komunës së Kaçanikut. Nga aktet tjera, KK ka aprovuar: Kornizën Afatmesme Buxhetore dhe Vendimin për miratimin e Buxhetit për vitin 2020 dhe vlerësimet për vitet 2021-2022, 4 Raporte periodike buxhetore, Plani vjetor i Kuvendit për vitin 2020, Raporti i Kryetarit për aktivitetin e përgjithshëm të Komunës, Raportet dhe Planet e Komiteteve të KK,

Raporti dhe Plani i KKSB. Gjatë kësaj periudhe Kuvendi miratoi 72 Vendime. Aktet e miratuara ndikojnë në krijimin e kushteve sa më të mira të qytetarëve të komunës dhe zhvillimin ekonomik të vendit. Në këtë drejtim, ka marrë vendime për: dhënien në shfrytëzim afatgjatë të pronave komunale, këmbimin e pronave, ndërrimin e destinimit të pronave bujqësore. Vlen me u përmend dy iniciativa të aprovuara: 1. Iniciativa për çështjen e ndërtimit të një kyçje-ç kyçje në Autostradën "Arben Xhaferi". Kërkesa për këtë çështje iu ka adresuar organeve relevante të nivelit qendror për një takim më strukturat e komunës. 2. Iniciativa e Kryetarit të Komunës për bashkëpunim ndër komunal për realizimin e një projekti, ndërtimin, zgjerimin e rrugës: Gorancë-Kotlinë. KK ka aprovuar vendime të karakterit financiar (rialokim, harmonizim, bartje, transfere) të mjeteve buxhetore sipas Propozim Vendimeve të Kryetarit të Komunës, për një shpenzim më të mirë të buxhetor dhe me qëllim që mjetet buxhetore mos të ngelin në suficit buxhetor. Kur jemi të vendimet me karakter financiar, KK ka marrë vendim për mbulimin e shpenzimeve të varrimit për çdo person që vdes, ndërkaq në shenjë përkrahje Republikës së Shqipërisë për tërmetin e ndodhur me 26 Nëntor, KK ka ndarë mjete buxhetore në emër të ndihmës për zonat e prekura nga tërmeti.

Raportimi i Kryetarit në Kuvendin e Komunës

Në mesin e përgjegjësisë të Kryetarit të Komunës është edhe raporti i Kryetari para Kuvendit të Komunës për situatën ekonomiko-financiare, si administrues i financave të komunës lidhur me shpenzimet komunale, investimet kapitale dhe shfrytëzimin e parasë publike. Kryetari i Komunës e ka përmbushur obligimin për raportim në Kuvendin e Komunës brenda këtij viti, ku forma e raportimit ka qenë me shkrim dhe atë katër herë për gjatë vitit dhe në formë verbale çdo herë kur është kërkuar. Gjithashtu ekzekutivi i komunës i është përgjigjur Kërkesave të anëtarëve të KK aty për aty apo në formë të shkruar. Kjo është një formë më e mirë e bashkëpunimit dhe llogaridhënies së ekzekutivit ndaj Kuvendit të Komunës.

Monitorimi i mbledhjeve

Monitorimi i mbledhjeve të Kuvendit edhe gjatë këtij viti ka qenë i vazhdueshëm. Aktiviteti i Kuvendit është monitoruar nga strukturat ndërkombëtare, siç është OSBE-ja e cila kryesisht i ka përcjellë mbledhjet e KK. Ndërkaq nga strukturat vendore, monitorimi është bërë nga Ministria e Administrimit të Pushtetit Lokal e cila vazhdimisht përcjell punën dhe aktivitetin e Kuvendit nga distanca përmes teleprezencës. Të gjitha mbledhjet e Kuvendit janë mbajtur me dyer të hapura, mirëpo interesimi i OJQ-ve dhe grupeve tjera të interesit ka qenë minimal.

Publikimi i akteve në Ueb faqen zyrtare të Komunës

Gjatë periudhës Janar-Dhjetor 2019, të gjitha aktet e miratuara në Kuvendin e Komunës dhe shkresat tjera të lëndës, dërgohen të skanuara nga Shërbimi i Kuvendit, Zyrës së Informimit dhe Zyrës së IT për t'i publikuar në Ueb faqen zyrtare të Komunës, duke përfshirë edhe procesverbalet e mbledhjeve të Kuvendit. Vlen të përmendet së, i gjithë aktiviteti i Kuvendit të Komunës i vitit 2019 është i publikuar në faqen e komunës. Kjo mënyrë e publikimit, mundëson qasjen e qytetarëve në të gjitha aktet e Kuvendit të Komunës dhe qasje më të lehtë në dokumente zyrtare. Për t'iu qasur aktiviteteve të Komunës Kaçanik duhet klikuar adresën: <https://kk.rks-gov.net/kacanik/>

Për t'u qasur aktivitetëve të Kuvendit të Komunës, duhet klikuar në linkun: Kuvendi, pastaj hapen Linqet: Rregulloret, Vendimet, Procesverbalet, Buxheti, Video-incizime, Dokumente dhe aktivitete tjera të Kuvendit sipas viteve.

Shqyrtimi i ligjshmërisë së akteve

Ministria e Administrimit të Pushtetit Lokal është autoritet mbikëqyrës i komunave për vlerësimin e ligjshmërisë së akteve të miratuara në Kuvend. Gjatë periudhës janar-dhjetor të vitit 2019, të gjitha aktet e miratuara në Kuvend janë dërguar për shqyrtimin e ligjshmërisë në MAPL. Nga të gjitha aktet e dërguara në MAPL për 2 vendime është kërkuar rishqyrtim i tyre, ndërkaq 2 vendime për dhënie në shfrytëzim afatgjatë(40 vjet) të pronave komunale janë harmonizuar sipas kërkesës së MAPL. 2 vendime për çështje të subvencioneve dhe transfereve na është sugjeruar për ekzekutimin e tyre konform procedurave dhe të njëjtat iu është kthyer përgjigje MAPL për procedurat e zhvilluara me shpallje publike. Nga Vendimet e kërkuara për rishqyrtim, është rishqyrtuar, Vendimi për çështjen e ndërtimit të shkollës në f. Doganaj, ndërkaq 2 vendime tjera janë ndryshuar dhe plotësuar për shkak të gabimeve teknike. Me kërkesën e MAPL, është harmonizuar, Rregullorja për Transparencë komunale. Ka pasur edhe vendime të KK për të cilat nuk kemi pasur ndonjë konfirmim të ligjshmërisë nga autoriteti mbikëqyrës ose ligjshmëria është shqyrtuar pas afatit të përcaktuar ligjor, kështu që të njëjtat janë publikuar në faqen zyrtare të komunës në pajtim me afatin e përcaktuar ligjor për publikim e tyre.

Aktivitete tjera

Krahas punës në Kuvendit, ka pasur edhe aktivitete të tjera edhe jashtë Kuvendit. Kryesuesi ka prezantuar në të gjitha takimet e organizuara nga MAPL, Asociacioni i Komunave të Kosovës, Kolegjiumi i Kryesuesve të Kuvendit dhe takime tjera me qëllim të shqyrtimit të problematikave, evidentimin e pengesave që hasen gjatë punës së Kuvendit dhe gjetjen e formave për tejkalimin dhe lehtësimin punës së Kuvendit në zhvillimin e politikave lokale. Krahas angazhimit të kryesuesit edhe anëtarët tjerë të Kuvendit kanë dhënë kontributin e tyre në takimet e ndryshme, trajnime dhe seminare të organizuara nga Ministritë, Asociacioni i Komunave të Kosovës dhe Organizatat siç janë OSBE-ja, DEMOS dhe OJQ të tjera. Nga aktivitete tjera është ai i Kryesuesit të KK dhe shefat e grupeve parlamentare të KK, në bashkëpunim me OJQ "Gjethi", "Shoqata Bjeshkatarë Alpinistë" Kaçaniku 2015" dhe Administratorët e fshatrave. Tema ka qenë: Gjendja alarmante e shkatërrimit të pyjeve në Parkun Nacional "Sharri". Në këtë takim përpos përfaqësuesve të strukturave ekzekutive të komunës, kanë qenë të ftuar edhe përfaqësues nga: Parku Nacional "Sharri", Policia e Kosovës, Agjencioni Pyjor i Kosovës, Gjykata, Prokuroria, Ministria e Mjedisit dhe Planifikimit Hapësinor, Komisioni Parlamentar për Bujqësi, Pylltari dhe Zhvillim Rural. Aktivitet tjetër është, Takimi i mbajtur me, Qendrën Kërkimore për Politika të Sigurisë. Në këtë takim është diskutuar tema: Me demokraci pjesëmarrëse për një Kosovë pa radikalizëm.

Vlen të përmendet së Kuvendi i Komunës ka zhvilluar një vizitë zyrtare në shtetin e Shqipërisë, me qëllim të përfitimit të përvojave të KK, ku janë vizituar Bashkia e Beratit, sipas ftesës së Kryetarit të Bashkisë Ervin Demo, ndërkaq është vizituar edhe Bashkia e Elbasanit.

Shërbimi i Kuvendit

Punët dhe detyrat e punës së Kuvendit të Komunës dhe trupave punuese të kuvendit, përgatiten nga një (1) zyrtar i punësuar në Shërbimin për punë profesionale të Kuvendit dhe nga një(1) zyrtar i punësuar në Zyrën e Kryesuesit të Kuvendit. Me angazhimin e këtyre zyrtareve, përgatiten; mbledhjet, përpilohen Procesverbalet e mbledhjeve, Vendimet dhe shkresat tjera dhe të njëjtat arkivohet për nevojat e komunës dhe të qytetarëve të saj.

Përfundim

- Ftesa për mbledhjet e Kuvendit dhe materialet e mbledhjes janë dërguar, duke respektuar afatet që janë përcaktuar me Ligjin për Vetëqeverisje Lokale;
- Kuvendi i Komunës, gjatë vitit 2019 ka mbajtur gjithsej 12 mbledhje të rregullta, apo maksimumi i mbledhjeve që janë të parapara me Ligjin për Vetëqeverisjen Lokale;
- Të gjitha mbledhjet e Kuvendit kanë qenë të hapura për qytetarët, OJQ-t dhe grupet tjera të interesit;
- Monitorimi i mbledhjeve, nga strukturat ndërkombëtare është bërë nga OSBE-ja me praninë e tyre fizike, ndërsa nga niveli qendror, nga MAPL-ja përmes teleprezencës;
- Kuvendi i Komunës ka mbajtur takime publike me qytetarët për buxhetin e komunës;
- Për të gjitha mbledhjet e Kuvendit të Komunës është mbajtur procesverbal dhe i njëjti është publikuar në ueb faqen zyrtare të Komunës;
- Kryetari i Komunës ka raportuar 4 herë me raport të shkruar financiar, para Kuvendit të Komunës;
- Aktet e miratuara në Kuvendin e Komunës janë publikuar në ueb faqen zyrtare të komunës, ndërsa Rregulloret janë publikuar edhe në Gazetën Zyrtare të Republikës së Kosovës.
- Të gjitha aktet e miratuara në Kuvendin e Komunës janë dërguar në MAPL për shqyrtimin e ligjshmërisë, në afatin e përcaktuar ligjor, të përkthyer në dy gjuhë;
- Pjesëmarrja e Kryetarit dhe ekzekutivit në mbledhjet e Kuvendit ka qenë pothuajse i përhershëm;
- Incizimi i mbledhjeve është bërë përmes teleprezencës dhe i njëjti është publikuar në ueb faqen zyrtare të Komunës.

Kryesuesi i Kuvendit

Kemal Mërseli

